

DEKRETO

Minister di Hustisia i minister di Tráfiko, Transporte i Planifikashon Urbano;

KONSIDERANDO:

- ku djasabra, 22 di Februari 2020, ta tene e asina yamá Marcha di Karnaval di Banda 'bou den e barío di Barber i bisindario;
- ku na interes di órden, trankilidat i siguridat públiko i tambe di siguridat i libertat den tráfiko ta nesario pa tuma medidanan adekuá di tráfiko i órden pa por garantisá un desaroyo ordená di e evento aki;

TENIENDO KUENTA

Ku e Ordenansa de mantenementu di órden públiko fecha 22 di yüli 2015 ku ta kontené reglanan pa mantené órden públiko, trankilidat i seguridat i protekshon di komunidad i órden Públiko i Protekshon di Komunidad i e Ordenansa di Tráfiko 2000;

TA DEKRETÁ

A. ku ta tuma e siguiente medidanan di tráfiko temporal:

- For di 12 or di mèrdia, ku eksepsion di partisipantenan den Marcha di karnaval, no ta permití tráfiko motorisá riba Weg naar Westpunt den direkshon di Westpunt despues di kas Barber 61 (Kas Di Polis).
- For di 12 or di mèrdia lo desviá tur tráfiko motorisá biniendo for de Weg naar Westpunt na altura di Kas Barber 61 i manda esaki den direkshon di Kaya Johannes R. FRANCISCO.
- For di 12 or di mèrdia no ta permití tráfiko motorisá riba Kaya Antonio A. MELFOR den direkshon di Weg naar Westpunt.
- For di 12 or di mèrdia Kaya Damasius HOYER lo ta será pa tráfiko motorisá den direkshon di Weg naar Westpunt.
- For di 12 or di mèrdia no ta permití tráfiko motorisá biniendo for di Westpunt den direkshon di Barber na altura di 4th July Snack.
- For di 12 or di mèrdia no ta permití tráfiko motorisá riba Kaya M. KWIDAMA den direkshon di Weg naar Westpunt.
- For di 12 or di mèrdia no ta permití tráfiko motorisá riba Kaya Victor COMENENCIA den direkshon di Weg naar Westpunt.
- For di 12or di mèrdia no ta permití tráfiko motorisá riba Kaya Emeterio DORAN. E kaya aki lo wòrdu usa komo un kaya di emergensia.
- For di 12 or di mèrdia, ku eksepsion di partisipantenan na e marcha, no ta permití tráfiko motorisá riba Kaya Prospero G. ROJER. Esaki ta konta pa e parti di kaminda aki situá for di misa di Barber te na e parti biniendo for di Santa Krus te na altura di Hòfi Republik.
- For di 12 or di mèrdia no ta permití tráfiko motorisá riba en kamindanan ku ta kai riba Kaya Prospero G. ROJER ku ta kai den en parti entre Misa di Barber i Hòfi Republik.
- For di 12 or di mèrdia no ta permití pa para vehíkulo motorisá riba krusada Kaminda Prospero G. Rojer/ Kaya Johannes R. FRANCISCO. E Kaya aki lo wòrdu mantené komo un kaya di emergensia.

GENERAL

- tur e paradanan di bús situá riba e kamindanan den kual no ta permití tráfiiko motorisá ta kaduká.
- no ta permití pa stashoná vehíkulo riba:
 - e ruta di e marcha en general;
 - riba Kaminda Prospero G. Rojer for di entrada di Weg naar Westpunt te ku kaya Johannes R. Francisco for di 12or di mèrdia.

B. Ku ta tuma e siguiente medidanan di órden:

Ta prohibí pa doño etc. di estableimentunan ku ta bende bibida hasi esaki den bòter o na bleki.

- riba kamindanan públiko ta prohibí pa:
 - bende kos sin pèrmit di Minister di Hustisia;
 - kousa inkonbeniensia o molèster pa otro hende;
 - kita, tumba o move ophetonan ku ta poné na bienestar di órden públiko i di libertat i siguridat den tráfiiko;
 - stroba o stagna desaroyo regular di un marcha;
 - tira kualke opheto o supstansia.
- tur hende mester sigui unabes i puntualmente indikashonnan di polis na bienestar di órden i siguridat públiko. Den kasonan ku esaki ta nesesario mester retirá inmediatamente i den direkshon ku e outoridatnan aki indiká;

C. Ku e medidanan deskribí den e dekreto aki ta na vigor te na momento ku polis ta haña esaki nesesario na bienestar di órden i siguridat públiko.

Minister di Hustisia

mr. Q. GIRIGORIE

Kòrsou, 17 Februari 2020

Minister di Tráfiiko, Transporte i Planifikashon Urbano

Z. JESUS-LEITO MBA